

CLEMENS BAKIEWICZ

ARCHIDIACONUS CATHEDRALIS,

SEDE VACANTE EPISCOPATUS AC DIOECESIS

SANDOMIRIENSIS

ADMINISTRATOR GENERALIS.

*Nominatus Episcopus
Adam Theodo. Theophilus Jakubowski Lub.
sive parochialis in Wsola Administratorem*

Venerandum sed grave Officium Judicis, quo potestates solvendi et ligandi nobis tradita fungimur; haud aliquis recte et secure gerere valet, nisi necessariis qualitatibus praeditum se sentiat utpote: scientia, potestate bonitate et prudentia. Cum igitur his sufficienter in Examine instructus adinventus fuisset, ut in plenitudine potestatis Sanctum Pœnitentiæ Sacramentum administrare quea et Jurisdictionem impertimur. Liccat ergo Ipsi utriusque Sexus Christi Fidelium (non tamen Monialium) quovis Anni tempore in supra scripta Ecclesia, vel etiam in alia Dioecesis Sandomiriensis tantum, de licentia tamen proprii illius Rectoris, ac citra præjudicium alterius Parochiæ Confessiones audire, eosque a peccatis et delictis eorum, qui corde contriti et ore confessi fuerint, etiam in casibus: Sedi Nostræ Ordinariæ tam de jure communi, quam consuetudine reservatis; quorum specialis descriptio in Constitutionibus Provincialibus Lib. 4. Titt de Pœnitentia et Remissione continetur (omnibus tamen delictis Summo Pontifici Sanctæque Sedi Apostolicæ uti Imo Simmoniacis, 2do illis qui suos complices in quolibet contra sextum Decalogi Præceptum peccato, extra periculum mortis absolvere ausi fuerint, ac aliis quibusvis casibus Papalibus quomodolibet reservatis, nec non. 3tio Percussoribus etiam leviter Clericorum, tum 4to Homicidio voluntario, etiam 5to suppressione prolis circa vel post partum ac si causa evitandæ infamiæ, 6to Proracuratione abortus etiam non secuto effectum, 7mo Crimine incendiariorum, et 8vo commiscentibus carnaliter Judæis maribus vel Fæminis Sedi Nostræ Ordinariæ specialiter reservatis duntaxat exceptis) in forma Ecclesiæ absolvere, absolutionisque beneficium in foro conscientiae injuncta illis pro modo culpæ Pœnitentia salutaris bene visa impendere. Autoritate Nostra Ordinaria facultatem damus et concedimus. Præsentibus Litteris Nostris hinc ad decursum. *Unus Anni* tantum valituris. Ut autem Officium hoc Sacerdotale quod coeteris quibusvis muniis, tam quo ad populi Christiani utilitatem, quam quo ad formidandæ Sacerdotum obligationis gravitatem, longe præstat, debito cum fructu animarum ac cum plena conscientia securitate administrare valeat præmonendum duximus verbis Apostoli 1. ad Timoth. c. 4. v. 12. 14 et 16. *Exemplum esto fidelium in Verbo, in conversatione, in charitate, in fide, in Castitate. Noli negligere gratiam quæ data est tibi, cum impositione manuum Presbyteri—attende tibi et doctrinæ, hoc enim faciens et te ipsum salvum facies et eos qui te audiunt—* Et cum Confessarius necesse est, ut perfectus sit homo Dei, ad omne opus bonum instructus, ad docendum, corripiendum et erudiendum in justitia. Hæc omnia ex Divinis Scripturis, Apostolicis Constitutionibus, Decretis Synodalibus, ac universa Theologia diligenter acquirat et a Datore omnium Bonorum Spiritum Sapientiæ (quia juxta Sap. 1. v. 4. *in malevolam Animam non introibit Sapientia*) enixe exoptules Sicque procedendo, et in exequendo, vero tam honorifico Ministerio, etiam Præscripta Ritualium, tum SS. Canonum, quo ad externa, in retenta tonsura, ac pro qualitate status vel religiositatis vestitu talari convenienti superpeliceo indutus et stola superposita, in Confessionali crate interposita (nisi necessitas aliter postulaverit) ac tempore convenienti exacte observando, ut tanti Sacramenti dignum Ministrum exhibeat et sollicitudini Nostræ non exiguum levamen afferat et Super quibus omnibus et singulis Conscientiam Ipsius oneramus, In quorum fidem etc.

Datum Sandomiriæ die 29. Mensis Septembris 1844mo.

*Impetranti datur quoque facultas pœnitentes suos per
casus Loci Ordinarios reservatos absolvari, debitum con-
jugale remissionem restitueri, atque apparamenta eide
sacristia in quibus Sanctis non intervenit, benedici.*
C. Bakiewicz Adminif. Sandom.

